

U skladu sa članom 73. stav (2) Zakona o odbrani Bosne i Hercegovine ("Službeni glasnik BiH" broj 88/05), uzimajući u obzir Sporazum o osnovnim principima za rješavanje pitanja nepokretne i pokretne imovine koja će i dalje služiti za potrebe odbrane potpisanog 12. jula 2007. godine i imajući u vidu Odluku Predsjedništva Bosne i Hercegovine o veličini, strukturi i lokacijama Oružanih snaga Bosne i Hercegovine broj: 01-011-0111-6/06 od 05. jula. 2006. godine, zaključuje se:

SPORAZUM O KONAČNOM RASPOLAGANJU SVIM PRAVIMA I OBAVEZAMA NA POKRETNJOJ IMOVINI KOJA ĆE I DALJE SLUŽITI ZA POTREBE ODBRANE

Između slijedećih ugovornih strana:

1. **BOSNE I HERCEGOVINE, VIJEĆA MINISTARA BOSNE I HERCEGOVINE**, koje zastupa predsjedavajući Vijeća ministara Bosne i Hercegovine, dr. Nikola Špirić
2. **FEDERACIJE BOSNE I HERCEGOVINE, VLADA FEDERACIJE BOSNE I HERCEGOVINE**, koju zastupa premijer Vlade Federacije Bosne i Hercegovine, dr. Nedžad Branković
3. **REPUBLIKA SRPSKA, VLADA REPUBLIKE SRPSKE**, koju zastupa predsjednik Vlade Republike Srpske, gospodin Milorad Dodik

Na osnovu odobrenja Vijeća ministara Bosne i Hercegovine usvojenog na 39. sjednici, održanoj 14. februara 2008. godine,

Na osnovu odobrenja Vlade Federacije Bosne i Hercegovine broj 76/2008, od dana 6. februara 2008. godine,

Na osnovu odobrenja Vlade Republike Srpske broj 04/1-012-582/08, od dana 19. marta 2008. godine.

POGLAVLJE I – OSNOVNE ODREDBE

Član 1. (Predmet Sporazuma)

- (1) Ovim Sporazumom reguliše se prenos vlasništva na pokretnom imovinom iz člana 70. Zakona o odbrani Bosne i Hercegovine („Službeni glasnik BiH“ broj 88/05) kako je definisana u članu 2. ovog Sporazuma.
- (2) Ovim Sporazumom se također regulira postupak identifikovanja i proglašavanja viškova pokretne imovine iz stava (1) ovog člana, te raspolaganje istom.

(4) Dalje postupanje sa pokretnom vojnom imovinom se vrši u skladu sa Zakonom o odbrani Bosne i Hercegovine („Službeni glasnik BiH“ broj 88/05) i drugim relevantnim propisima uz dodatne procedure propisane članovima 5. i 6. ovog Sporazuma.

Član 5.

(Naknadno pronađena pokretna vojna imovina)

(1) Ugovorna strana koja otkrije ili primi informacije o naknadno pronađenoj pokretnoj vojnoj imovini iz člana 2. stav (2) ovog Sporazuma dužna je u pisanoj formi obavjestiti druge dvije ugovorne strane najkasnije u roku od sedam dana od dana otkrića ili zaprimanja informacije.

(2) Ministarstvo odbrane preuzima posjed nad naknadno pronađenom pokretnom vojnom imovinom, sačinjava popis te imovine, u istom formatu kao i Prilog broj 1. ovog Sporazuma, i dostavlja ga ugovornim stranama u roku od 30 dana od dana kada su sve ugovorne strane zaprimile obavještenje iz stava (1) ovog člana.

(3) Ministarstvo odbrane na osnovu popisa iz stava (2) ovog člana sačinjava prijedlog aneksa ovog Sporazuma kojim se izvršava prenos vlasništva nad naknadno pronađenom pokretnom vojnom imovinom i dostavlja ga ugovornim stranama na odobravanje.

Član 6.

(Postupanje sa pokretnom vojnom imovinom)

(1) Ministarstvo obrane donosi Rješenje o oglašavanju viškova pokretne vojne imovine i isto zajedno sa prijedlogom za rješavanje viškova imovine (prodaja, donacija i uništenje) dostavlja na odobravanje Predsjedništvu Bosne i Hercegovine (u daljem tekstu: Predsjedništvo).

(2) Nakon što Predsjedništvo odobri Prijedlog Ministarstva obrane o rješavanju viškova pokretne vojne imovine Ministarstvo obrane formira Komisiju za provođenje postupka rješavanja viškova pokretne vojne imovine.

(3) Komisija iz stava (2) ovog člana dužna je postupak rješavanja viškova pokretne vojne imovine provoditi sukladno važećim zakonskim propisima i procedurama, koji reguliraju predmetnu materiju, a sve odluke donositi koncenzusom svih članova u pisanoj formi.

(4) Vlada Federacije Bosne i Hercegovine i Vlada Republike Srpske imenovat će po jednog predstavnika koji će zajedno sa Komisijom iz stava (2) ovog članka sudjelovati u postupku rješavanja viškova pokretne vojne imovine uz pravo davanja sugestija i prijedloga, ali bez prava odlučivanja u postupku rješavanja.

Član 7.

(Raspodjela prihoda od prodaje i uništavanja pokretne vojne imovine)

Nakon prodaje ili uništavanja predmetne pokretne vojne imovine ostvarena sredstva, a u skladu sa zakonom doznačena Trezoru Bosne i Hercegovine (u daljem tekstu: Trezoru), se raspoređuju na slijedeći način i po slijedećem redosljedu:

- a) Plaćanje troškova prodaje ili uništavanja predmetne pokretne vojne imovine ukoliko ih ima
- b) 20% od preostalih sredstava se doznačuje na poseban račun Ministarstva odbrane u okviru Trezora
- c) preostalih 80% sredstava se iz Trezora, u skladu sa zakonom i relevantnim procedurama, doznačuje entitetima u procentu vrijednosti pokretne vojne imovine iz datog entiteta.

Član 8.
(Izuzete)

Odredbe poglavlja II ovog Sporazuma se ne primjenjuju na pokretnu vojnu imovinu koju je Ministarstvo odbrane kupilo, primilo kao donaciju ili na drugi način nabavilo nakon 6. januara 2004. godine.

POGLAVLJE III – OSTALA POKRETNOST IMOVINA

Član 9.
(Ostala pokretna imovina)

(1) Ministarstvo odbrane najkasnije u roku od osam mjeseci od dana stupanja na snagu ovog Sporazuma priprema detaljnu listu ostale pokretne imovine koja će i dalje služiti Ministarstvu odbrane. Listu odobrava Ministar odbrane uz saglasnost u pisanoj formi oba zamjenika ministra. Lista se također objavljuje u Službenom glasniku Bosne i Hercegovine i dostavlja Pravobranilaštvu za informaciju i dalje postupanje.

(2) Sva ostala pokretna imovina iz stava (1) ovog člana danom objavljivanja Liste u Službenom glasniku Bosne i Hercegovine postaje vlasništvo Bosne i Hercegovine-Ministarstva odbrane Bosne i Hercegovine.

(3) Ostala pokretna imovina koja je evidentirana, kako je definisana u članu 2, stav (3) ovog Sporazuma, a koja se ne nalazi na listi iz stava (1) ovog člana ostaje u vlasništvu entiteta u čijem je vlasništvu bila prije stupanja na snagu ovog Sporazuma.

(4) U roku od 60 dana od dana odobravanja liste iz stava (1) ovog člana, Ministarstvo odbrane vraća posjed sve imovine iz stava (3) ovog člana entitetu koji je vlasnik iste.

(5) Sva arhiva, spisi i drugi dokumenti koji se odnose na ostalu pokretnu imovinu iz stava (1) ovog člana (računi i potvrde o nabavci, potvrde o vlasništvu, garancijski listovi, finansijske knjige, servisne knjižice, evidencije, potvrde o ispravnosti i slično) danom objavljivanja iz stava (2) ovog člana također postaju vlasništvo Bosne i Hercegovine-Ministarstva odbrane Bosne i Hercegovine.

Član 10.
(Izuzete)

Odredbe člana 9. ovog Sporazuma se ne primjenjuju na ostalu pokretnu imovinu koju je Ministarstvo odbrane kupilo, primilo kao donaciju ili na drugi način nabavilo nakon 6. januara 2004. godine.

POGLAVLJE IV – SUKCESIJA UGOVORNIH OBAVEZA

Član 11.

(Ugovori prijašnjih Ministarstava odbrane entiteta)

(1) Izuzetno od odredbi člana 72. stav (2) Zakona o odbrani Bosne i Hercegovine („Službeni glasnik BiH“ broj 88/05) i u skladu sa ovim Sporazumom Bosna i Hercegovina-Ministarstvo odbrane kao pravni sukcesor preuzima slijedeće neizvršene ugovore o prodaji pokretne vojne imovine:

- a) Ugovor broj 10-03-41-2056/03 umjesto Federacije Bosne i Hercegovine-Federalno ministarstvo odbrane/obrane.
- b) Ugovor broj 10-03-41-1358/04 umjesto Federacije Bosne i Hercegovine-Federalno ministarstvo odbrane/obrane.
- c) Ugovor broj 10-03-41-1325/04 umjesto Federacije Bosne i Hercegovine-Federalno ministarstvo odbrane/obrane.
- d) Ugovor broj 09/2004 umjesto Republike Srpske-Republička direkcija za proizvodnju i promet naoružanja i vojne opreme.
- e) Ugovor broj 10/2004 umjesto Republike Srpske-Republička direkcija za proizvodnju i promet naoružanja i vojne opreme.

(2) Vlade entiteta dostavljaju svu arhivu, spise i ostale dokumente vezane za ugovore iz stava (1) ovog člana Ministarstvu odbrane u roku od 14 dana od dana stupanja na snagu ovog Sporazuma.

(3) Ministarstvo odbrane preduzima sve neophodne radnje i postupke kako bi osiguralo usklađenost ugovora iz stava (1) ovog člana sa važećim međunarodnim sporazumima i zakonima i propisima Bosne i Hercegovine.

(4) Ministarstvo odbrane danom stupanja na snagu ovog Sporazuma preuzima sve aktivnosti potrebne za izvršenje ugovora iz stava (1) ovog člana.

(5) Izuzetno od odredbi člana 7. ovog Sporazuma, nakon izvršenja ugovora iz stava (1) ovog člana ostvarena sredstva, a u skladu sa zakonom doznačena Trezoru, se raspoređuju na slijedeći način i po slijedećem redoslijedu:

- a) Plaćanje troškova prodaje predmetne pokretne vojne imovine ukoliko ih ima
- b) Preostala sredstva se iz Trezora, u skladu sa zakonom i relevantnim procedurama, doznačuju na slijedeći način:
 - 1) Sredstva ostvarena nakon izvršenja ugovora iz stava (1) tačke a, b, i c ovog člana doznačuju se Federaciji Bosne i Hercegovine,
 - 2) Sredstva ostvarena nakon izvršenja ugovora iz stava (1) tačke d i e ovog člana doznačuju se Republici Srpskoj

Član 12.

(Sporovi vezani za izvršenje ugovora)

U slučaju sporova pri izvršenju ugovora iz člana 11. stav (1) ovog Sporazuma Ministarstvo odbrane preuzima sve obaveze koje proističu iz ugovornih odredbi te eventualnih sudskih ili arbitražnih odluka.

POGLAVLJE V – PRELAZNE I ZAVRŠNE ODREDBE

Član 13. (Sporovi)

(1) Eventualni sporovi nastali primjenom odredaba ovog Sporazuma rješavat će se sporazumno, a ukoliko to nije moguće, rješavat će se pred Sudom Bosne i Hercegovine.

(2) Eventualni sporovi iz stava (1) ovog člana neće odgađati primjenu ovog Sporazuma u dijelu koji nije pred Sudom Bosne i Hercegovine.

Član 14. (Aneksi Sporazuma)

Eventualni aneksi nastali tokom trajanja ovog Sporazuma i odobreni na način odobravanja ovog Sporazuma postaju njegov sastavni dio danom stupanja na snagu.

Član 15. (Stupanje na snagu)


(1) Ovaj Sporazum je neograničenog trajanja i može se izmjeniti ili staviti van snage samo pristancima svih ugovornih strana datih na način odobravanja ovog Sporazuma.

(2) Ovaj Sporazum je sačinjen u četiri primjerka i stupa na snagu danom potpisivanja.


Dana, 27. marta 2008. godine

U Doboju

Bosna i Hercegovina
Za Vijeće ministara Bosne i Hercegovine
Dr. Nikola Špirić



Federacija Bosne i Hercegovine
Za Vladu Federacije Bosne i Hercegovine
Dr. Nedžad Branković



Republika Srpska
Za Vladu Republike Srpske
Gospodin Milorad Dodik

